

186
20
24

東 京 圖 書 館

漢 書 門

正 史 類

七 函

一 架

五 號

二 冊

綱 鑑 精 采

二 十
止

綱鑑精采卷之二十

宋紀

度宗皇帝

諱禔，榮王與芮之子。理宗姪也。理宗無子，立為皇太子。在位十年，壽三十。

專政

曰：端人主，強敵在外，喪師失地，殆無虛

將士

且粉飾太平，邀功論賞，失

咸淳元年，丑四月，加賈似道太師，封魏國公。帝

為太子，似道有功，及即位，每朝帝必答禮，稱之

曰：師臣而不名，朝臣皆稱為周公。

見帝尊崇權奸，以促國家之命脉意。

四年_{戊辰}十一月以余安裕爲國子正字安裕謝枋得之甥少從枋得學客有甚談安裕之文學於枋得者枋得笑曰昔呂東萊中宏詞而歸學者群登其門請升講座陳同父勸東萊勿許曰伯恭未是繫籍聖賢豈可升座東萊問其故同父曰官爲宰相可以生殺廢置人官爲臺諫給舍可以彈駁榮辱人官爲國子監可以考校去取人開口高談道德性命縱有錯謬人無爭辯者畏其勢也此三等謂之繫籍聖賢東萊大笑

而止今安裕爲國子正字乃繫籍聖賢宜乎子之敬畏而稱頌之也客大慙

六年_{庚午}詔賈似道十日一朝時襄樊圍急似道日坐葛嶺起樓臺亭榭作半閒堂延羽流塑佛像其中取宮人葉氏及娼尼有美色者爲妾日肆淫樂嘗與群妾踞地鬪蟋蟀所狎客戲之曰此軍國重事耶又酷嗜寶玩建多寶閣一日一登玩有言邊事者輒加貶斥一日帝問曰襄陽之圍已三年矣奈何似道對曰比兵已退陛下

何從得此言帝曰適有女嬪言之似道詰其人
誣以他事賜死由是邊事雖日急無敢言于帝
者

用人取其長
者此相道之宜
也教人因其所
短者此師道之
宜也

七年辛未元以許衡為國子祭酒衡每說書不務
多惟懇欵周折必使通曉而後已嘗問諸生此
章書義若推之自身今日之事有可用否每謂
書中無疑看得有疑有疑却看得無疑方是有
功又謂教人與用人正相反用人當用其所長
教人當於其所短故衡之教人也必因其所明

要見此法君子
以之育才則先
養後教乃為當
然若以之自取
則一心謀食一
心謀道篤于求
道者不知此

開其所蔽而納諸善衡又言為學者治生最為
先務苟生理不足則於為學之道有所妨彼旁
求妄進及作官嗜利者殆亦窘於生理之所致
也

八年壬申十一月右丞相馬廷鸞乞罷從之廷鸞
扼於賈似道不克展其才力求去陸辭帝曰丞
相何不勉為留廷鸞對曰臣死亡無日恐不得
再見君父然國事方殷疆圉孔棘天下安危人
主不知國家利害群臣不知軍前勝負列闔不

知陛下與元老大臣惟懷永圖臣死且瞑目矣泣拜而出

九年癸酉二月知襄陽府呂文煥以城降于元時襄陽久困孤城援絕文煥每一巡城南望慟哭而後下力不能支元主降詔諭文煥曰爾等拒守孤城于今五年宜力爾主固其然也然勢窮援絕其如數萬生靈何文煥乃降襄陽既失則東南不可守矣○元國子祭酒許衡乞罷許之衡至懷孟間絕人事勤王自治公愛兼盡不嚴

而整閨門之內若朝廷然夫婦相待如賓凡喪葬一遵古制不用佛老懷孟化之旁舍有僧德公者年百餘歲嘗謂其徒曰老僧苦行百年亦不能作佛徒為不孝之人自是不復度弟子蓋化之也

恭宗皇帝名顯度宗次子年甫四歲謝太后臨朝稱制及元兵入臨安執帝北狩降封瀛國公在位二年殂于沙漠謚曰孝恭懿聖皇帝○是時權臣專政主少國危外有強敵如山壓卵天命已去人心已離雖使周公伊尹輔之尚或不克濟况嫉賢如能姦佞之一賈似道乎其亡國也宜哉

當危急存亡之秋而無深謀遠慮之計泄泄然不以為虞則國家之大勢去矣此汪招討之三策所以為宋計者至審也而秉國鈞者反欲以此罪之奈之何哉

德祐元年乙亥正月以汪立信為沿江招討大使初襄陽既失立信移書于賈似道曰今日天下之勢十去八九而君臣宴安不以為震酣歌深宮嘯傲湖山欲拱揖折衝不亦難乎為今日之計者有三內郡何事多兵宜盡出之江干以實外禦寬見兵可七十餘萬人而沿江之守則不過七千里若距百里而屯屯有守將十屯為府府有總督其尤要害處輒參倍其兵無事則泛舟長淮往來游徼有事則東西齊擊戰守並用

刁斗相聞餽餉不絕互相應援選宗室大臣忠良有幹用者立為統制率然之勢此上策也許翰歲幣以緩師期不三二年邊陲稍休藩垣稍固生兵日增可戰可守此中策也二策果不得行則天敗我矣若銜璧興覲之禮則請備以俟似道得書抵之于地曰瞎賊狂言敢爾乃中以危法廢之及將出師乃召立信為招討立信受詔即日上海與似道遇于蕪湖似道撫立信背曰不信公言以至于此立信至建康守兵悉潰

是時元兵臨城池州危迫昂發知事難成從容就死不惟身死王事抑且妻死夫難節義之道聚于一門誠無愧于殺身成仁之訓矣

而四面皆元兵立信知事不可成歎曰吾生為宋臣死為宋鬼終為國一死但徒死無益耳乃率所部數十人至高郵欲控引淮漢以為後圖○元人徇池州通判趙昂發攝州事繕壁聚糧為固守計都統張林陰遣人納款昂發知事不濟謂妻雍氏曰城將破吾守臣不當去汝先出走雍曰君為命官我為命婦君為忠臣我獨不能為忠臣婦乎昂發笑曰此豈婦人女子所能也雍曰吾請先君死昂發笑止之及元師薄城

昂發晨起書几上曰國不可背城不可降夫婦同死節義成雙遂與雍氏同縊從容堂○元人徇饒州知州唐震故相江萬里死之初萬里聞襄樊破鑿池芝山後園扁其亭曰止水人莫喻其意及城欲破萬里執門人陳偉器手曰大勢不可為余雖不在位當與國為存亡遂赴止水死左右及子鎬相繼投沼中積屍如登翌日萬里屍獨浮出從者斂葬之鄂州都統張世傑帥師入衛遂復饒州時方危急徵諸將勤王多不

要見文天祥豈不知兵勢之不可敵哉但念國家三百年養士之功而欲為是以圖報耳

至獨世傑來上下歎異○知贛州文天祥起兵入衛初勤王詔至贛天祥捧之涕泣乃發群中豪傑分結溪洞山蠻有眾萬人遂入衛其友止之曰今敵兵三道鼓行破郊畿薄內治君以烏合萬餘赴之何異驅群羊而搏猛虎天祥曰國家養育臣庶三百餘年一旦有急徵天下兵無一人一騎赴者吾深恨之故不自量欲以身殉庶天下忠臣義士將有聞風而起者義勝者謀立人眾者力濟如此則社稷猶可保也盡以家

貲為軍費每與賓客僚佐語及時事輒流涕撫几言曰樂人之樂者憂人之憂食人之食者死人之事聞者莫不感動○沿江招討大使汪立信聞似道師潰歎曰吾今日猶得死于宋土乃置酒召賓僚與訣夜分起步庭中慷慨悲歌揮拳撫膺者三扼吭音抗而卒後伯顏入建康或以立信二策及死告于伯顏伯顏歎息久之曰宋有是人使果用之我安得至此命求其家厚恤之曰忠臣之家也○贈婺州處士王栢承事郎

栢少慕諸葛亮之爲人自號長嘯年三十始知學勇於求道讀論語至居處恭執事敬惕然嘆曰長嘯非聖門持敬之道亟以魯齋更之或語以何基嘗從黃幹得朱熹之傳卽往受業堅苦自勵於朱熹之所著錄致力以求其極律身以敬治家以嚴動默皆可師也至是賜諡○貶賈似道于循州安置監押官鄭虎臣誅之初似道旣免三學生及臺諫侍從皆上疏乞誅似道太皇太后不許遣歸越終喪似道留揚不還王爚

復論似道旣不死忠又不成孝乃降似道三官婺州居住婺州聞似道至率衆爲露布逐之詔徙於建寧翁合又上言似道以妬賢無比之林甫輒自託於伊周以不學無術之霍光敢效尤於莽操總權罔上賣國召兵乞投荒昧以伸國法遂詔安置循州會稽尉鄭虎臣以父嘗爲似道所配請爲監押似道時寓建寧之開元寺侍妾尚數十人虎臣至悉屏去奪其寶玉撤轎蓋暴行秋日中令舁轎夫唱抗州歌謔之窘辱備

聯至漢之勢以爲備禦之方亦一時之權宜非迂闊而難行者也卒之其策不也固宜得施自底滅亡

至至漳州水綿庵虎臣諷令自殺似道不從虎臣曰吾爲天下殺似道雖死何憾遂拘似道之子於別室卽厠上拉似道胸殺之殞於庵側○以文天祥爲浙西江東制置使知平江府初天祥至臨安上疏言本朝懲五季之亂削藩鎮建都邑一時雖足以矯尾大之弊然國以浸弱故敵至一州則一州破至一縣則一縣破中原陸沉痛悔何及今宜分境內爲四鎮建都統御于其中以廣西益湖廣而建閩於長沙以廣東益江西而建閩於隆興以福建益江東而建閩於番陽以淮西益淮東而建閩於揚州責長沙取鄂隆興取蘄黃番陽取江東揚州取兩淮地大力衆約曰齊奮彼備禦力分疲于奔命吾民之豪傑者又伺間出於中如此則敵不難却也時議以爲迂闊不報故有是命○柳岳如元請平伯顏不許曰汝國執戮我行人故我興師錢氏納土李氏出降皆汝國之法也汝國昔得天下於小兒亦失於小兒其道如此尚何多言○以

柳岳洪雷震如元求封行至高郵高郵民殺之
陳宜中當國不能措一策惟事蒙蔽以致郡邑
降破又不知兵張世傑步軍將也使持舟師劉
師勇水軍將也使持步卒用非其才卒致誤國
至是以求和議不成乃白太后奉表求封為小
國太后從之直學士院高應松不肯草表改命
京局官為之

二年丙子○五月以後正月元人克潭州知州

李芾音死之元圍潭日久芾日以忠義勉其將

士死傷相籍人猶飲血死戰城中大窘力不能
支除夕元兵登城知衡州進士尹穀時寓居城
中知事不可為乃為二子冠招鄉人行冠禮鄉
人曰此何時行此迂濶事穀曰正欲令兒曹冠
帶見先人于地下耳既畢禮與其家人自焚芾
命以酒酌之乃召帳下沈忠遺之金曰吾力竭
分當死吾家人不可辱於俘汝盡殺之而後殺
我忠辭以不能芾固命之忠泣而諾取酒飲其
家人盡醉乃徧刃之芾亦引頸受刃忠還家殺

以逆言之似為
迂濶以道理言
之實守禮以俟
死

已妻子亦自刎。由是湖南諸郡皆降於元矣。○
元伯顏帥師次于臯亭山。文天祥張世傑請移
三宮入海而已。帥衆背城一戰。陳宜中不許。白
太后遣監察御史楊應奎上傳國璽以降。伯顏
受之。遣使召陳宜中出議降事。而使囊加歹奉
璽表赴上都以聞。○以文天祥爲右丞相兼樞
密使。及左丞相吳堅如元帥。天祥見伯顏乞退
軍。嘉興以俟講解。爭辯不屈。伯顏大怒。群起呵
斥。天祥益自奮。伯顏遂拘留之。而遣堅還。唆都

說天祥爲大元宰相。天祥哭而拒之。○元呂師
夔徇江東。知信州謝枋得迎戰。敗績。棄家變姓
名。奔建寧府之建陽唐石山。元人入信州。執枋
得之妻李氏及二子一女。送江淮行省。拘于揚
州獄中。母夫人以老疾得免。李氏不屈。死于獄
中。惟二子熙之。定之得還。○二月。日中有黑子。
大如鴛卵。相盪久之。○有二星鬪于中天。一星
隕。○錢塘江潮五日不至。時元軍分駐江沙上。
枕人方幸之。而潮汐不至。○文天祥自鎮江亡

要見胡虜之主
中華是亦天意
之所授也苟非

天意之授胡為
枕湖五日不至
使之得全其師
乎要與睢水之
大風沱河之水
合同一天意

入真州由通州浮海如温州以求二王益王是廣王昺也○伯顏以帝及太皇后全氏福王與芮等北去庶僚三學諸生內侍等皆行太學生徐應獫與其二男琦松一女元娘死之○陸秀夫蘇劉義聞二王在温州以兵來會楊亮節聞陳宜中在清澳遣使召之宜中來謁亮節秀夫與議興復乃召張世傑于定海奉二王為都帥秀夫先入閩中撫安生民○二王如福州檄召諸路忠義是時黃萬石降于元其將劉浚等多來歸兵

勢稍振陳宜中張世傑等奉益王昺音即皇帝位

端宗皇帝名昺度宗長子恭帝之兄初封益王元將伯顏入臨安府楊淑妃與其弟

楊亮節負帝與廣王昺如温州航海至福州陳宜中張世傑奉帝即位在三為元兵

所迫時年十一崩于嶺南之碭州

景炎元年丙子五月遣上孝恭懿聖皇帝等尊號遂尊母度宗淑妃楊氏為皇太后同聽政○文天祥至自温州以為右丞相與陳宜中議不合乃求出督詔天祥都督諸路軍馬天祥開府南

釵州經略江西遂復邵武軍及師次汀州張日
中趙時賞等皆以兵來會○楊州守將朱煥以
城叛降元右丞相李廷芝指揮使姜才死之時
元阿朮圍揚久庭芝守禦益力及臨安既降阿
朮以太皇太后手詔諭降庭芝登城謂使者曰
奉詔守城未聞以詔諭降也阿朮復遣使者持
元主詔招之庭芝開壁納使者斬之焚其詔于
俾上既而福州使至庭芝乃命制置副使朱煥
守揚城而自與姜才將兵七千趨泰州將入東

海庭芝既行煥即以城降阿朮帥兵追庭芝及
之庭芝走泰州會姜才疽發不能戰泰州守將
孫貴胡惟孝闕北門納元兵庭芝赴蓮池中水
淺不死遂與姜才俱就執至揚州阿朮責其不
降才曰不降者我也憤罵不已阿朮乃皆殺之
聽朱煥之請也楊民聞之莫不泣下○陳宜中張世傑
奉帝入海舟居于泉州港招撫使蒲壽庚作亂
帝遷于潮州○興化軍陷知軍陳文龍指其腹
曰此皆節義文章也可相逼耶卒不屈乃械送

文章本為文明
之器使無節義

杭州不食死

二年丁丑八月元李恒襲文天祥于興國縣趙時

賞張日中等皆死之天祥與長子道生奔循州

妻歐陽氏及次男佛生環生皆被執送于燕二

子死于道

三年戊寅○五月後三月帝舟自謝女峽遷于

碭州○四月帝崩于碭州時年十一弟衛王立

是為帝昺

帝昺諱昺度宗末子端宗之弟端宗崩遂即位

則亦不足貴也如楊雄班固柳宗元非無文章惟不守名節所以及為後世嗤耳

世傑等戰敗陸秀夫抱帝沉于厓山之海在位二年而宋亡矣

祥興元年即端宗三年五月帝即位皇太后楊氏同

聽政初端宗崩群臣多欲散去陸秀夫曰度宗

皇帝一子尚在將焉置之古人有以一旅一成

中興者今百官有司皆具士卒數萬天若未欲

絕宋此其不可為國耶乃與眾共立帝時年八

歲矣○以陸秀夫為左丞相時播越海濱庶事

踈略楊太后垂簾與群臣語猶自稱奴每時節

朝會獨秀夫儼然正笏立如治朝與張世傑共

道者吾身固有之理身存一日則講道一日身存一時則講道一時無常無變而皆不可須臾離也

秉政外籌軍旅內調工役雖急遽流離中猶日書大學章句以勸講○六月帝舟遷于新會之厓○有大星南流隕海中小星千餘隨之聲如雷數刻乃已○元張弘範襲執文天祥于五坡嶺左右命之拜天祥不屈弘範釋其縛以客禮見之天祥固請死弘範不許

二年已正月元張弘範襲厓山張世傑力戰禦之時世傑有甥韓在元師中弘範三使韓至宋師招世傑世傑不從曰吾知降生且富貴但義不可移耳因歷數忠臣以答之弘範乃命文天祥為書招世傑天祥曰吾不能捍父母乃教人叛父母可乎固命之天祥遂書所過零丁洋詩與之末云人生自古誰無死留取丹心照汗青弘範笑而置之○二月弘範以舟師據海口宋師無汲道絕兵士大困世傑帥眾旦夕大戰弘範四分其軍先麾北固一軍乘早潮而戰南師繼之宋師北固受敵諸軍大潰翟國秀劉俊等皆降元師薄宋中軍會日暮風雨昏霧四塞咫尺

文山之忠義形於詩其亦中有所激不得已而鳴者矣

尺不相辨，世傑乃與蘇劉義斷維，以十六舟奪港而去。陸秀夫走帝舟，帝舟大，且諸舟環結，度不得出走，乃先驅其妻子入海，即負帝同溺。後宮諸臣從死者甚衆，越七日，屍浮海上者十餘萬人，因得帝屍及詔書之寶。○皇太后楊氏崩，太傅樞密副史張世傑死之。初，世傑復還厓山，收兵，遇楊太后，欲奉以求趙氏，後而立之。楊太后始聞帝崩，撫膺大慟，曰：我忍死艱關至此者，正爲趙氏一塊肉耳，今無望矣。遂赴海死。世傑

葬之海濱。世傑將趨安南，至平章山下，遇颶風大作，舟人欲艤向岸。世傑曰：無以爲也。爲我取瓣香來，至則仰天呼曰：我爲趙氏亦已至矣。一君亡，復立一君，今又亡，我未死者，庶幾敵兵退，別立趙氏以存祀耳。今若此，豈天意耶？若天不欲我復存趙祀，則大風覆我舟，舟遂覆，世傑溺死焉。宋亡。

南宋自高宗建炎元年至帝昺祥興二年，共二百五十二年。右宋自太祖起建隆庚

申至帝昺祥興己卯通計三百二十年

元紀

世祖皇帝

諱忽必烈太祖第四子他雷之次子憲宗同母弟也以庚申歲即位至是

滅宋始承正統在位三十五年承正統一帝六年壽八十諡曰聖德神功文武皇帝○帝

仁明英武屢立大功好征遠夷如雲南交趾日本八百媳婦等國連年用兵悉皆臣伏故

能混一區宇又度量弘廣求賢納諫知人善任使文臣如許衡姚樞劉秉忠史天澤王鄂

李道復等謀謨廟堂武將如伯顏阿里海涯張弘範李恒董文炳等攻城畧地大闡嘉猷

文武並用制禮作樂民物阜康夷狄之盛古未有也

至元十六年己卯四月張弘範等軍還以宋丞相

文天祥北去天祥痛恨不食八日猶生乃復食

天祥至燕京館人供帳甚盛天祥不寢處坐達

旦丞相孛羅召見於樞密院天祥入長揖欲使

跪天祥不屈仰首而言曰天下事有興有廢自

古帝王以及將相滅亡誅戮何代無之願求早

死孛羅曰汝謂有興有廢且問盤古帝王至今

日幾帝幾王一一為我言之天祥曰一部十七

史從何處說起吾今日非應博學宏詞科何暇

泛論孛羅曰汝不肯說興廢事且道自古以來

見其雖在顛沛之中而言辭應答不亂非心安意定浩然之氣獨存而有是乎

曾有人臣將宗廟社稷土地與他國而復逃者乎天祥曰丞相豈以予前為宰輔賣國與人而後去之耶賣國者必不去去者必非賣國者也予前日辭右相之命而使伯顏軍前被留不遣已而賊臣獻國國亡矣吾職當死所不死者以度宗二子在浙東老母在廣故也李羅曰德祐幼君非爾君耶棄嗣君而立二王忠乎天祥曰德祐吾君也不幸失國當此之時社稷為重君為輕二王之立所以為宗廟社稷計李羅曰汝

臣之事君無二念而非君猶子之事親無二念而非親豈以遇之常變而其心有不盡耶

立二王做得甚事天祥曰國事不幸喪亡吾立君以存宗廟存一日則盡臣子一日之責人臣事君如子事父母父母有疾雖甚不可為豈有不下藥之理盡吾心焉不可為則天命也今日天祥至此有死而已何必多言李羅怒命囚于獄作正氣歌曰天地有正氣雜然賦流形下則為河濱上則為日星於人曰浩然沛乎塞蒼溟皇路當清夷含和吐明庭時窮節乃見一一垂丹青在齊太史簡在晉董狐筆在秦張良椎在

漢蘇武節為嚴將軍頭為嵇侍中血為張睢陽
齒為顏常山舌或為遼東帽清操厲冰雪或為
出師表鬼神泣壯烈或為渡江楫慷慨吞胡羯
或為擊賊笏逆豎頭破裂是氣所磅礴凜冽萬
古存當其貫日月生死安足論地維賴以立天
柱賴以尊三綱實繫命道義為之根嗟予遘陽
九隸也實不力楚囚纓其冠傳車送窮北鼎鑊
甘如飴求之不可得陰房闐音馬鬼火春院闕天
黑牛驥同一皁音皂馬雞栖鳳凰食一朝蒙霧

露分作溝中瘠如此再寒暑百沴自辟易哀哉
沮洳場沴音戾陰陽氣亂也又妖氣也沮洳漸濕之地也為我安樂國
豈有他繆巧陰陽不能賊顧此耿耿在仰視浮
雲白悠悠我心憂蒼天曷有極哲人日已遠典
刑在夙昔風簷展書讀古道照顏色

過金陵詩

草舍離宮轉夕暉孤雲飄泊欲何依山河風
景原無異城郭人民半已非滿地蘆花和我
老舊家燕子傍誰飛從今別却江南路化作

啼鶻帶血歸

留燕題張許雙廟沁園春調

為子死孝為臣死忠死又何妨自光岳氣分
士無全節君臣義缺誰負剛腸罵賊睚陽憂
君許遠留得聲名萬古香後來者無二公之
操百鍊之剛嗟哉人生身歟云亡好烈烈轟
轟做一場使當時賣國甘心降虜受人唾罵
安得流芳古廟幽沉遺容儼雅枯木寒鴉幾
夕陽郵亭下有奸雄過此子細思量

十八年辛巳二月集賢大學士兼國子祭酒致仕

許衡卒年七十三衡嘗語其子曰我平生虛名所累

竟不能辭官死後慎勿請諡勿立碑但書許某

之墓四字使子孫識其處足矣及卒從其治命

而無碑朝野莫不哀傷○世祖求南人有才者

甚急王積翁薦天祥天祥曰國亡吾分一死耳

倘緣寬假得以黃冠歸故鄉他日以方外備顧

問可也

十九年壬午十二月殺故宋丞相少保信國公文

要見忠孝克全
則心安理得方

不愧于仁人義士也

天祥天祥留燕三年坐臥一小樓足不履地帝

欲用之天祥不屈議欲釋之王積翁欲請釋為道士未幾

中山狂人自稱宋主欲取文丞相帝乃詔天祥

入諭之曰汝何願天祥曰願賜之一死足矣帝

猶未忍左右力贊帝乃詔有司殺于燕京之柴

市俄有詔使止之至則天祥死矣天祥臨刑殊

從容謂吏卒曰吾事畢矣南向拜而死年四十

七其衣帶中有贊曰孔曰成仁孟曰取義惟其

義盡所以仁至讀聖賢書所學何事而今而後

庶幾無愧南北人聞者皆為流涕翰林學士王

磐以詩哭之曰大元不殺文丞相君義臣忠兩

得之義似漢王封齒日忠如蜀將斬顏時謂蜀將關

羽斬顏良也精忠貫日華夷見氣節凌霜天地知却

恐史書編不到老父和淚寫新詩有張義甫者

負天祥骸骨葬吉州會林某亦自惠州昇天祥

母夫人之柩同日而至人以為忠孝所感天祥

博學善談論有忠孝大節志廣才疎卒以窮死

世哀其忠

處常處變惟仁義是守方為不負所學蓋聖賢教人雖多術而其大端不過乎仁義而仁義之關要處則在忠孝為臣死忠為子死孝則仁義盡而聖賢之教我者無憾矣

呂氏中曰嗚呼宋之亡也士大夫之負國也文丞相毀家紓難九死而不悔死矣彼負國者獨不死乎與天地無窮矣

二十一年甲申五月故宋太皇太后謝氏殂于燕

二十五年戊子召故宋臣謝枋得力辭不至時帝

訪求南人有才者甚急御史程文海承旨留夢

炎交章薦之也

附謝疊山與程雪樓書云大元制世民物一新宋室孤臣只欠一死某所以不死者以九十三歲之母在堂耳先妣以今年二月考終于正寢某自今無意人間事矣苦塊餘息心至死誠無偽小兒傳到郡縣公文乃知大元欲求

要見天子乃中
天地而為綱常
之主苟不能為
國家扶綱常則
失天職矣

士凡三十賤姓名亦玷其中執事薦異才而後世非大元夢卜求賢之初意禮子有父母也傳曰求忠臣必於孝子之門為臣不盡孝於家而能盡忠於國者未之有也為人君不親喪人以孝而能得人之忠者亦未之有也命明矣昔丞相史嵩之父歿天子詔起復太學生叫問闔而攻之其詞曰天子當為國家扶綱常為天地立人極奪情非令起復非美名是故忠臣論事必識大體君子取人先觀大節執事不可稱匪其人而孤大元求才之意某不可進不以禮而誤執事知人之明傳曰為人子止於孝為人臣止於忠某不能為忠臣猶願為孝子惟執事亮某之心使某幸而免不孝之名是成我者之恩與生我者

也等

九月參政魏天祐執宋故臣謝枋得北去

要見君子處世語默貴得其宜當言而言則言為忠謀當默而默則默為守節

謝疊山與魏容齋書云忠臣不事二君烈女不更二夫此天地間常道蒙大元以禮招徠上有堯舜下有巢由上有湯武下有隨光夷齊某自九月十一日離嘉禾即不食烟火今則并勺水一粟不入口矣惟願速死與周夷齊漢龔勝同垂青史可以愧天下後世為臣不忠者茲蒙鈞旨云欲訪問某何事某則決不敢魯有公父文伯死而母敬姜不哭室老再逐於魯而此子不能從其母曰孔子聖人也長者來內人皆行哭失聲聞中自殺者二此子也必於婦人厚而於長者薄也吾所以不哭君子曰此言出於母之口不害其為賢母也若出於婦人之口則不免於妬婦矣言一

也所居之位異則人心變矣某義不出仕今雖有忠謀奇計則人必以為妬婦矣恐徒為天下笑

二十六年己丑四月故宋江西招諭使知信州謝枋得至燕死之初魏天祐之逼枋得北行也與之言坐而不對或嫚言無禮天祐久不能堪乃讓曰封疆之臣當死封疆安仁之敗何不死枋得曰程嬰公孫杵臼二人皆忠於趙一存孤一死節一死於十五年之前一死於十五年之後萬世之下皆不失為忠臣王莽篡漢十四年龔

勝乃餓死亦不失為忠臣韓退之云蓋棺事始定天祐曰強辭枋得曰昔張儀語蘇秦舍人云當蘇君時儀何敢言今日乃參政之時枋得復何言枋得不食二十餘日不死乃復食只茹小蔬菓積數月困殆四月初一日至燕京初五日死於驛枋得平生無書不讀為文章高邁奇絕學者師尊之所著有詩傳註疏行于世

丁南湖曰文山餓而不死乃受殺身之慘疊山餓而得死乃獲全屍之幸蓋天之成就人才各一道也死之以殺所以成其節比之忠死之以義所以成其夷齊之節

二十八年辛卯徵前贊善大夫劉因為集賢學士不至

三十年癸巳劉因卒因保定容城人天資絕人日記千百言初為經學究訓詁疏釋嘆曰聖人精義殆不止此及得周程張邵朱呂之書一見曰我固謂當有是也評其學之所長曰邵至大也周至精也程至正也朱子極其大盡其精而貫之以正也因性不妄交家雖甚貧非其義一介不取隱居教授弟子造其門者隨材器教之皆

有成就所居扁之曰靜脩學者稱為靜脩先生

歐陽玄贊曰微點之狂而有沂上風雩之樂資由之勇而無北鄙鼓瑟之聲於高皇之仁而見不可留之四皓以世祖之略而遇不能致之兩生嗚呼麒麟鳳凰固宇內之不常有也然一鳴而六典作一出而春秋成則其志不欲遺世而獨往也

三十一年甲午正月帝崩皇孫鐵木耳自軍中來

奔喪即皇帝位

成宗皇帝名鐵木耳世祖之孫太子真金第三子

明廣孝皇帝○帝承天下混一之後聖拱而治可謂治於守成末年連歲疫疾內則決于宮闈外則委於大臣然不至於廢墜者去世祖未遠成憲具在故也

元貞元年紀大傳錄軍國重事伯顏卒

伯顏深略善斷所向有功又能清介不伐元季之將如伯顏者可多得哉

梁臨江曰伯顏深略善斷將二十萬衆如將一人諸將仰之若神明畢事還朝歸裝惟衣衾未嘗言功可謂一代之良將也

大德七年癸卯三月蘭谿處士金履祥卒履祥少

從學同郡王栢及何基之門二人蓋得朱熹之

傳者宋將亡遂絕意進取屏居金華山中嘗作

通鑑前編居仁山之下學者因稱為仁山先生

至正中賜諡文安

十一年丁丑正月帝崩皇姪懷寧王海山即位于

上都○七月加封孔子為大成至聖文宣王詔曰蓋聞先孔子而聖者非孔子無以明後孔子而聖者非孔子無以法於戲父子之親君臣之義永為聖教之尊天地之大日月之明奚罄名言之妙翰林承旨閣復之辭也○詔行世祖所行條格中書省臣言法者譬之權衡不可偏重律令者治國急務當以時損益未可輕議請自世祖即位以來所行條格校議歸一遵而行之制曰可○丞相答剌罕哈言治道必先守令乃

精選定官吏贓罪十二章

武宗皇帝

名海山順宗答剌麻八剌之長子也在位五年壽三十一諡曰仁惠宜孝

皇帝○帝當富有之大業慨然欲創治改法而有為故其封爵太盛而遙授之官爵賜賚太隆而應賞之恩薄至元大德之政於是稍有變更矣

酒色二者皆傷生之斧斤有一于茲未或不亡况兼有之乎阿沙不花之戒深得愛君保身之

至大元年戊申正月以阿沙不花為右丞相帝嘗御五花殿阿沙不花見帝容色日悴乃進曰八珍之味不知御萬金之身不知愛惟麴蘖是好姬嬪是耽是猶兩斧伐枯樹未有不顛仆者帝喜曰非卿孰為朕言因命進酒又頓首曰臣方

道

大學者賢士之所關教化之本原也數考試以盡其才則英俊宜可得矣仁宗以此諭李孟其知造士之本矣

欲陛下節欲而反勸之是臣之言不信於陛下也臣不敢奉詔左右皆賀帝得直臣遂拜右相四年辛亥正月帝崩皇太弟愛育黎拔力八達即皇帝位○四月命中書平章李孟領國子學諭之曰學校人才所自出卿等宜數詣國學課試諸生勉其德業孟潞州上黨人貫通經史善論古今治亂其家居授徒遠近爭從之郭彥通常稱孟有宰輔之器○帝御便殿李孟進言曰陛下御極物價頓減方知聖人神化之速敢以為

要見真氏一書乃治平之軌範而元主能知所重焉其亦可謂知務矣

賀帝蹙然曰卿等能竭力贊襄使兆民苟安庶幾天心克享至於秋成尚未可必今朕踐祚曾未踰月寧有物價頓減之理此言非所賴也孟愧謝○帝讀貞觀政要諭侍臣曰此書有益於國家其譯以國語刊行俾國人皆誦習之又嘗有進大學衍義者帝曰治天下此一書足矣因命譯刊行以賜臣下

仁宗皇帝名愛育黎拔力八達順宗次子武帝同母弟也在位十年壽三十六諡曰聖文欽孝皇帝○帝天性慈孝聰明恭儉通達儒術愛養民力孜孜為治一遵世祖成憲

為大元盛德
守文之主

皇慶元年壬子正月帝諭中書省臣曰人言御史
臺任重朕謂國史院尤重御史臺是一時公論
國史院乃萬世公論也

二年癸丑二月帝諭群臣曰回回以寶玉鬻音於

寶得其寶者安
寶失其寶者危
仁宗以善人為
寶此百姓所以
又安而為大元
盛德守文之主
歟

官朕思此物何足為寶惟善人乃可為寶善人
用則百姓安茲國家所宜寶也○御史中丞郝
天挺上疏論時政陳七事曰惜名節抑浮廢止
括田久任使論好事獎農務本勵學養士帝嘉

納詔中書舉行之○以李孟為翰林學士承旨
先是孟為平章政事時言人君之柄在刑賞賞
一善而天下勸罰一惡而天下懲所施失當何
以為治乃奏寃死者復官蔭濫爵者悉追奪又
言於帝曰貴賤有章所以定民志賜予有節所
以勸臣下請各為之限制帝皆從之○江浙行
省以新安儒士程復心所著四書集註章圖纂
釋來上詔擢用之復心辭不受○以行科舉詔
天下期以皇慶三年八月天下郡縣舉其賢者
能者充貢有司次年二月會試京師中選

者親策之于庭，賜帝謂近臣曰：朕所願者安百姓，以及弟出身有差。帝以圖至治，然匪用儒士，何以致此？設科取士，庶得真儒之用，而治道可興也。故有是詔。

延祐五年，戊午八月，大司農賈住等進司農丞苗好謙所撰栽桑圖說。帝曰：農桑衣食之本，此圖甚善，命刊印千帙，散之民間。

七年，庚申正月，帝崩。

仁宗而知此正所謂夷狄之有君也。

史臣曰：仁宗天性慈孝，聰明恭儉，通達儒術，亦留心釋典，嘗曰：修身治國，儒道為大。又曰：儒者之所以可尚者，以能維持三綱五常之道耳。平居服御質素，不事遊畷，不喜征伐，不

崇貨利，其孜孜為治，一遵世祖成憲，以致太平，文物典章，號為極盛也。

皇太子碩德八剌，即皇帝位。○翰林學士忽都魯兒譯進宋儒真德秀大學衍義，帝曰：脩身治國，無踰此書，賜鈔五萬貫。

英宗皇帝，名碩德八剌，二宗嫡子也。在位四年，為御史大夫，鐵失等所弑。於行幄，年二十一，諡曰睿聖文考皇帝。○帝天性至孝，仁宗不豫，每夜焚香泣告於天，願以身代，及

即位用法，無私果於誅殺，奸黨畏罪，遂構大變云。

至治元年，辛酉正月，帝欲以元夕張燈，結採樓於宮中，設宴時，居先帝喪，參議中書省事張養浩

上書諫帝大怒既而曰非張希孟不敢言即命罷之賜養浩金織幣一帛一以旌其直

二年_{戊戌}十月以拜住為右丞相帝嘗語拜住曰

朕委卿以大任以乃祖水華黎佐太祖安童相

世祖卿念祖宗令聞豈有不盡心者乎拜住再

拜曰陛下委臣以大任臣有所畏者三畏辱祖

宗畏天下事大識見有未盡年少不克負荷無

以報聖恩惟陛下時加訓飭幸甚帝又嘗謂拜

住曰今亦有如唐魏徵之敢諫者乎對曰槃圓

則水圓孟方則水方有太宗納諫之君則有魏

徵敢諫之臣帝善之

三年_{癸亥}正月右丞相拜住言吳澄有德老儒請

徵用之帝遂以澄為翰林學士澄撫州崇仁人

經傳悉通貫用力聖賢之學成宗元貞初澄遊

龍興時元明善為行省掾以文學自負嘗問易

詩書春秋與義歎曰與吳先生言如探淵海遂

執弟子禮終其身左丞董士選延之家親執饋

食曰吳先生天下士也澄嘗為學者言朱子於

要見朱子之學
內外合一難道

問學而未嘗不尊德性澄謂其偏於問學未知朱子者也

要見雖得問學之本而探索理會之功則未盡

學道問學之功居多而陸子靜以尊德性為主問學不本於德性其弊必偏於言語訓釋故學以德性為本議者以澄為陸氏之學○八月帝自上都還駐蹕南坡是夕御史大夫鐵失等殺丞相拜住遂殺帝於行幄迎皇叔嗣晉王也孫帖木兒即皇帝位于龍居河○九月帝誅逆賊鐵失等於燕都並戮子孫籍家產○十月帝至大都御大明殿受諸王百官朝賀

泰定皇帝

名也孫鐵木兒顯宗甘麻剌之長子裕宗之嫡孫也初封嗣晉王及英宗

遇弒以支庶入繼大統在位五年壽三十六○帝之御世也災異迭見然能知守祖宗之法以行天下無事號稱治平茲其所以為足稱也歟

泰定元年

甲子二月浙江行省左丞趙簡請開經

筵擇師傅令太子及諸王大臣子孫受學遂命

學士吳澄等進講帝範資治通鑑大學衍義貞

觀政要諸書

二年丑四月中書參政左塔不台言大臣兼領

軍務前古所無鐵失以御史大夫也孫帖木兒

以知樞密院事皆領衛兵如虎而翼故生逆謀

自今軍衛之職乞母以大臣領之庶勲舊之家得以保全從之

致和元年戊辰○九月文天曆元年七月帝殂于上都文宗

不為立廟諡世太子阿速吉八嗣位

明宗皇帝名和世珠武宗長子也初封周王出鎮雲南恭定帝崩大臣燕帖木兒等

舉義迎帝弟圖帖睦爾即位是為文宗文宗遣使迎帝即位於和寧之北立文宗為皇太子未幾帝宴皇太子及諸王大臣于行殿帝

忽暴崩在位半年壽三十諡曰翼獻景孝皇帝時未改元即天曆元年也○按明宗立而

文宗攝位改元今編年以明宗文宗各別之

初武宗殂弟仁宗立約以次傳於帝延祐三年

議建儲嗣時丞相鐵木迭兒欲固位取寵乃議

立英宗為太子又譖帝於兩宮謂仁宗及太后封帝為

周王出鎮雲南逮恭定帝殂皇后皇太子遣使

詣燕都收印章時僉樞密院事燕帖木兒遂謀

舉義大會群臣令曰武王有子二人謂周王懷王也大

統所在當迎立之不從者死以帝遠在沙漠猝

未能至而帝弟懷王時徙江陵乃迎立燕都懷

王固讓曰大兄在北以長以德當有天下燕帖

木兒曰人心向背之機間不容髮一或失之噬

齊無及○九月懷王襲皇帝位改曆為天曆元年明告中外以攝位之意是為文宗時倒刺沙在上都已立泰定帝太子阿速吉八為帝遣兵分道攻燕都敗績齊王月魯帖木兒等以兵圍上都倒刺沙奉皇帝寶出降泰定嗣帝不知所終○十一月文宗遣使迎周王和世球于漠北

天曆二年己巳正月周王還至和寧之北遂稱帝是為明宗○按文宗讓兄矯情也明宗不俟至京朝見百官而急於得位亦非義也故綱目並斥其名而曰襲位曰稱帝於和寧之北○三月文宗遣右丞相燕

帖木兒奉皇帝寶赴漠北○四月帝遣使立文

宗為皇太子○六月皇太子發京北迎帝○九

月丙戌帝次于旺忽察都皇太子入見庚寅帝

暴殂人疑文宗弑兄○胡粹中曰聞之故老言燕帖木兒聞哭聲即奔入帳中取出玉璽

扶文宗上馬南皇太子襲位于上都其迹誠可疑

文宗皇帝名圖帖木爾武宗次子明宗之弟也初封懷王自海南召還出居建康及

泰定帝崩大臣燕帖木兒迎立帝帝讓兄明宗而已權攝大位遣使迎明宗于沙漠既而

明宗暴崩復登大寶在位五年壽二十九諡曰聖明元孝皇帝

天曆二年九月以張養浩為西臺御史中丞尋

卒養浩濟南人自幼有行義勤學業嘗著書三卷一曰廟堂忠告二曰風憲忠告三曰牧民忠告言居官之道○命翰林奎章諸儒臣準唐宋會要輯本朝故典名曰經世大典

至順元年庚午十月湖南嶺北道經歷范棹卒棹清江人天資穎異雖癯然清寒若不勝衣而卓然自樹於流俗外家居養親困窮守節耽詩工文用力精詣朝臣薦為翰林編脩秩滿除海南海北道廉訪司照磨巡歷遐僻風波瘴癘無所

忌憚所至興學教民雪理冤滯具澄誌其墓以為特立獨行之士可方東漢諸君子

三年壬申八月帝崩皇姪懿璘質班即皇帝位懿璘

質班明宗次子也時方七歲帝遣命立之在位二月而崩是為寧宗○十一月寧

宗崩皇兄妥權帖睦爾即皇帝位于上都

順皇帝名妥權帖睦爾明宗長子也文宗時被

立之時帝年十三登大寶在位三十六年會

大明兵入京城走于應昌府一年崩我大明

皇帝以其知天命避去特賜廟號順宗○帝

性柔少斷伯顏合麻相繼弄權朝政日紊群

盜蜂起帝迎西番僧行運氣之術教宮女作

天魔之舞不恤政事淫于淫樂致群雄割據

綱鑑精義卷二十

稱帝稱王垂二十年曆數屬于大明四海九州復歸于一統矣

元統二年甲戌正月朔雨血于汴梁著衣皆赤

至元三年丁丑正月婺州路總管府以金華儒金

履祥所著論語孟子考證來上命刊行之其門

人東陽許謙序之曰聖賢之心盡在四書而四

書之義備於朱子顧其立言辭約意廣讀者或

得其粗而不能悉究其義或以一偏之致自異

而初不知未離其範圍世之詆訾貿亂務為新

奇者其弊正在此耳此金先生考證之所由作

也○金華處士許謙卒初謙聞仁山金履祥講

道蘭江上委已而學焉履祥告之曰吾儒之學

理一而分殊理不患其不一所難者分殊耳謙

由是致其辨於分之殊而要其歸於理之一又

曰聖人之道中而已矣謙由是事事求夫中者

而用之初履祥謂謙曰士之為學若五味之在

和醯音希鹽音希既和則酸鹹頓變子來見我三日矣

猶夫人也豈吾之學無以感發於子耶謙聞之

惕然居數年盡得其所傳之妙及履祥既沒謙

人之秉彝本有天性而人倫即性之理而著見於日用者也聖賢教人千言萬語其要只欲入盡性明倫而已謙之教人以此為本其知立教

益肆充闡多所自得自謂吾非有大過人惟為學之功無間斷耳諷制行甚嚴而所以應世者不膠於古不流於俗介而不僑通而不隨屍跡入華山中學者翕然簞糧笥書而從謙之教人以五性人倫為本以開明心術變化氣質為先以為己為立心之要以分辨義利為處事之制情者作之銳者抑之拘者開之放者約之為師四十年隨其才分咸有所得

六年庚辰撤文宗廟主詔云文宗謀為不軌使明宗飲恨而死也

之道矣

○按文宗以私憾不為恭定立廟諡豈知其身死乃有不立其廟主者徙太皇太后

文宗后於東安州安置放太子燕帖古思於高麗殺諸途○處士吳萊卒直方萊不仕居深衷

音山中山在金華浦江縣窮經史以著述為務善論文

嘗云作文如用兵兵有正有奇正者法度如部

伍分明是也奇者不為法度所縛千變萬化坐

作擊刺一時俱起及其欲止部伍各還其隊元

不曾亂聞者服之

至正元年辛巳三月奎章閣學士巉巉音攙侍經筵

正中有奇而奇不出於正之外所謂如珠走盤而不出於盤是也

勸帝務學帝欲觀古名畫峻嶮取郭忠恕比干圖以進因言紂不聽諫遂亡其國帝一日閱宋徽宗書稱善峻嶮進曰徽宗多能惟一事不能帝問何一事對曰獨不能為君爾其身辱國破皆由不能為君能為君則他非所尚也

三年癸未十一月翰林學士揭傒斯卒傒斯豫章豐城人少貧讀書刻苦延祐初程鉅夫與盧執列薦于朝授翰林編脩文宗時嘗進太平政要策拜直學士丞相脫脫問政治何先曰儲材為

先養之於譽望未隆之時用之於周密庶務之後可也

七年丁亥七月以朱公遷為金華郡學正公遷鄱陽人父梧崗翁聞同郡準軒吳中行得聞朱子門人黃幹之學於廣信饒魯號雙峯往從準軒學焉於是大肆力於學道德文章卓然名世所著有詩傳疏義行于世

八年戊子十月台州方谷珍作亂聚眾海上○翰林學士致仕虞集卒集宋丞相允文五世孫也

嘗議學校曰、今天下學官以資格授、強加之諸生之上、而欲望師道之立、可乎、爲今之計、莫若使守令求經明行脩者、身師尊之、庶可以觀感而化矣、其考進士試、則語同列曰、五經傳註、各有主意、將以一道德同風俗、非欲使學者專門擅業如近代五經學、究之固陋也、試藝之文、推其高者取之、不必先有主意、若主意先定、則求賢之心狹、而差自此始矣、其論海運糧曰、東南運糧、實竭民力、今京師之東、瀕海數千里、北極

滌海南瀕青齊、萑葦之場也、而海潮日至、淤爲沃壤、宜用浙人之法、築堤捍水爲田、聽富民欲官者合其衆、分以地、官定其畔、以萬夫畊、命爲萬夫長、以千夫畊、命爲千夫長、三年而征其稅、如是則東南民數萬、可以衛京師、可以防嶋夷、可以省海運矣、時異議者多、事竟寢、集學博洽而究極本源、其經綸之妙、一寓於文、素孝友、與弟槃構書舍爲二室、左室書陶淵明詩於壁、題曰陶庵、右室書邵堯夫詩於壁、題曰邵庵、故稱

文章以理為主，以氣為輔，若一以氣為主，則遺夫理，非文之善者也。

集為邵庵先生。○寧國府推官楊載卒，載抗州人，以大臣薦為翰林編脩，遷寧國府推官，載之文章一以氣為主，自成一言，而於詩尤有法，嘗語學者曰：詩當取材於楚漢，而音節以唐人為宗。范楊虞揭俱為一代文章之巨擘，而載之詩變宋末陋習，尤居范楊虞揭之先者也。

十一年辛卯五月，潁州屬真定府妖人劉福通作亂，以紅巾為號，陷潁州，初變城人韓山童祖父，以白蓮會燒香惑眾，至山童倡言：天下大亂，彌勒佛

下生，河南及江淮愚民翕然信之。福通復妖言謂山童當為中國主，欲同起兵作亂，事覺，縣官捕之急，福通遂反，山童就擒，其妻楊氏及子韓林兒逃之武安。○蘄州徐壽輝等以妖術聚眾，反亦以紅巾為號，陷蘄水縣及黃州，僭稱帝國號天完，改元治平。

十二年壬辰命知樞密院事峽峽等從脫脫征徐州，脫脫將出師，尚書密通麻和謨等上言：大臣天子之股肱，中書庶政之根本，不可一日離，乞

詔留賢相弼亮天工如此則內外有兼治之宜社稷有倚重之寄不報

十三年已癸五月泰州民張士誠作亂陷泰州及

高郵據之僭號大周自稱誠王建元天祐○哈

麻及禿魯帖木兒等陰進西北僧于帝行房中

運氣之術號演撲兒法演撲兒者猶言大喜樂也又進西番

僧善秘密法帝皆習之時帝在位久怠於政事

荒于遊宴以宮女一十六人按舞名為天魔舞

首垂髮數辮音便戴象牙冠身披纓絡大紅銷金

長短襖各執加巴刺般之器又宮女十一人練

槌髻勒帕常服或用唐帽窄衫所奏樂用龍頭

笛管小鼓箏篋琵琶笙胡琴響板每宮中讚佛

則按舞奏樂帝又於內苑造龍船首尾長一百

二十尺廣二十尺上有五殿龍身并殿宇俱五

采金裝日於後宮海子內遊戲船行則龍首眼

爪尾皆動又自製宮漏高六七尺為木櫃藏諸

壺運水上下櫃上設西方三聖殿櫃腰設玉女

捧時刻籌時至輒浮水而上左右列二金甲神

人一懸鐘一縣鉦夜則神人自能按更而擊

十四年甲午十一月脫脫督軍征高郵連戰克捷

賊勢大蹙中書右丞哈麻素與脫脫有隙諷御

史表賽因不花劾脫脫出師三月略無寸功傾

國家之財以為己用半朝廷之官以為己隨詔

削奪脫脫官爵淮安安置

十五年乙未二月劉福通等迎韓林兒立以為帝

號小明王建都亳州國號宋改元龍鳳○哈麻

矯詔殺故中書右丞相脫脫于淮安

○六月我大明太祖高皇帝起兵自和州渡江

取太平路自紅巾倡亂之後南北郡縣多陷沒

故太祖高皇帝從取之

十七年丁酉十月翰林學士承旨歐陽玄卒玄性

度雍容居官廉平三任成均而兩為祭酒六入

翰林而三拜承旨凡制誥多出其手文章道德

卓然名世

二十年庚子五月陳友諒殺其僞主徐壽輝於太

平路遂自稱帝國號漢改元大義

二十三年癸卯正月明玉珍僭稱皇帝國號大夏
改元天統○張士誠將呂珍襲殺劉福通韓林
兒未幾亦亡○八月我大明太祖高皇帝與僞
漢陳友諒大戰于鄱陽湖友諒敗死

二十七年丁卯九月我大明兵取平江路執張士
誠以獻○十二月方谷珍自歸于我

大明

戊申閏七月我太祖高皇帝兵至通州帝大懼
集三宮后妃皇太子皇太子妃夜半開健德門

出居庸關北去如上都天下海宇悉歸于我大
明一統萬萬世矣

右元起太祖丙寅至順帝丁未凡百六十
二年自世祖至元十六年己卯滅宋混一
至順帝至正丁未繼大統實計八十九年
右起唐堯帝甲辰至元順帝丁未通計三
千七百二十四年

綱鑑精采二十卷終大尾

建都備考 自秦始


秦并六國都咸陽分天下為四十郡其地西極
 臨洮北至沙漠東南皆臨大海西漢始都洛陽
 因婁敬議遷都長安置郡國為十三州郡至哀
 平之際凡置郡國七十有一東漢都洛陽并省
 郡國其後亦分十三州郡漸復加置凡計郡國
 一百有八桓靈時又置六郡焉後漢都成都統
 二十二郡魏都洛陽統六十八郡吳都金陵統
 四十二郡晉都洛陽分天下為十九州永嘉南

建都傳考

渡遷于金陵九州之地僅有其一宋齊梁陳偏安江左俱都金陵北魏都平城至孝文帝遷都洛陽東魏北齊都鄴西魏北周都長安隋祖一統都長安廢諸郡以州治民唐都長安分天下爲十道五代時梁自汴遷洛末帝又卽位於大梁唐晉漢周俱都于汴宋亦都汴分天下爲十五路天聖析爲十八元豐又析爲二十三宣和四年建燕山雲中兩路高宗南渡都臨安中原陝右盡入于金其所存者兩淮兩浙江東西湖


南北西蜀福建廣東西僅十五路而已遼起黃龍府建五京金克之仍其舊都又有宋中原之地遷都于汴元太宗盡得金地至世祖混一天下都大都明太祖都金陵成祖都燕京兩都並建分天下爲十三省此二十二史都會之大略也至其建置沿革自詳各史諸志不具贅述

禹貢九州圖





禹貢九州

春秋二十列國圖



□ 王
 ○ 小國
 □ 十二列邦吳越


戰國七強國圖



○ 小國
 ○ 十一州
 □ 七國
 □ 王畿


西南夷地

西漢州郡圖




○ □ □
郡 州 帝都


東漢州郡圖




三國鼎峙圖



兩晉南北朝群雄割據圖



唐十道并五十採訪使



大坂南水町丁百三十六番地 繪製 三浦 三郎

明治十年五月廿三日版權免許
同十一年十一月 出版

岡山縣平民

校正者 坂田丈平

備中國第八大區九小區後月郡
西江原村三百六十一番地住

大坂府平民

出版人 松村九兵衛

第二大區六小區心齊橋筋
壹丁目四十六番地住

書 肆

同	同	同	同	同	同	同	同	大阪
松	吉	淺	森	柳	前	岡	田	大野木市兵衛
村九兵衛	岡平助	井吉兵衛	本太助	原喜兵衛	川善兵衛	田茂兵衛	中太右衛門	

發 行

同	西京	同	同	同	同	同	同	東京
永	佐佐木惣四郎	小林喜右衛門	長野龜七	吉川半七	東生龜治郎	山中市兵衛	稻田佐兵衛	北畠茂兵衛
田調兵衛								

